

Jacques Tuinder,
 Vojon ekiru

La mond-karavano

Vojon ekiru al
 land' saturita de beno.
 Revas mil miloj
 sur vojo pri festa alveno.
 Se pezas man',
 helpos vin samidean':
 Kunas ja kor' kun kompreno.

Urĝas tra montoj, en
 valoj, kuraĝo kaj rido.
 Lingvo komuna vin
 ligas, fratec', forta fido.
 En ĉies man'
 glaso plenplena kaj pan':
 Vi nur disdonu, homido.

Ĉerpu esperon el spert'
 kaj inspiraj rakontoj.
 Vin bonvenigas hejmlando;
 jam freŝas la fontoj.
 Do, man' en man'
 marŝu la mond-karavan':
 Ravos vin verd', horizontoj.

Dion kun homoj en paca
 pilgrimo adoru.
 Ankaŭ dum ploras l'animo,
 kantante Lin gloru.
 Sub Lia man'
 mildas eĉ morto, malsan':
 Venu, ho Regno, aŭroru.

Verkinto de tiu ĉi Esperanta poemo estas Jacques Tuinder.

Arg-965-1945 (2014-02-04 23:08:44)

Tiu ĉi kanto aperis en la revuo "Dia Regno", n-ro 4(901), en la jaro 2013. La subtitolon "La mond-karavano" aldonis Albrecht Kronenberger. Ĝi estas kanteble laŭ la kristana religia kanto "Lobe den Herren". Pri la verkinto vidu la retejon http://eo.wikipedia.org/wiki/Jacques_Tuinder.